



**Ebazpena, 2026ko maiatzaren 15ekoa, Gobernantza, Administrazio Digitala eta Autogobernu Saileko Herritarrak Artatzeko eta Administrazioa berritzeko zuzendariarena, zeinaren bidez onartzen baita AGINTZARI S. COOP. DE INICIATIVA SOCIAL Ongizatea, Gazteria eta Erronka Demografikoa Saileko gaitutako erakunde gisa inskribatzea**

---

2023ko ekainaren 30ean, Euskal Herriko Agintaritzaren Aldizkarian argitaratu zen 91/2023 Dekretua, 2023ko ekainaren 20koa, herritarrei arreta integral eta multikanala ematekoa eta zerbitzu publikoak bitarteko elektronikoz irispidean izatekoa.

Dekretu horretako 79. Artikuluak honako hau ezartzen du:

1. Oro har edo berariaz, Administrazioak pertsona fisikoak edo juridikoak gaitu ahal izango ditu; horretarako, pertsona horiei baimena emango die interesdunen ordezkari gisa zenbait transakzio elektronikoz egiteko.

Egoitza elektronikoz argitaratuko da zer izapide elektronikoz egin daitekeen ordezkaritza horren bidez.

2. Gaikuntza hori herritarrei arreta emateko eskumena duen administrazio-organismoaren titularrak emandako ebazpenaren edo formalizatutako hitzarmenaren bidez egingo da.
3. Gaikuntzan honako hau zehaztu beharko da:
  - a) Gaitutako pertsonak.
  - b) Gaikuntzaren xede diren prozedurak eta izapideak eta aplikatu behar diren arauak.
  - c) Aplikatu behar diren baldintzak eta betebeharrak.
4. Pertsona gaituek jarduketa bakoitzerako behar den ordezkaritza izan beharko dute. Administrazioak ordezkaritza egiaztatze eskatu ahal izango du noiznahi, eta Administrazioak onartutako dokumentu normalizatuen bidez emandakoa izango da baliozkoa. Ordezkaritza nahikorik ez badago, behar diren erantzukizunak eskatuko dira.

2026ko maiatzaren 6an, Ongizatea, Gazteria eta Erronka Demografikoa Sailak eskaera justifikatua aurkeztu zion Herritarrak Artatzeko eta Administrazioa Berritzeko Zuzendaritzari, ebazpen honen xede den erakundeari gaikuntza eman ziezaion. Horregatik, ebazpen hau ematen da, behar den moduan eta epean.

Aurrekoa betetzeko, eta Gobernantza, Administrazio Digital Autogobernu Sailaren egitura organikoa eta funtzionala ezartzen duen urriaren 29ko 317/2024 Dekretuaren eskumenetan oinarrituta, honako hau

## EBAZTEN DUT

### **Lehenengoa.-** Xedea.

Ebazpen honen **I. eranskinean** aipatzen den erakundea gaitzea, bertan aipatzen diren prozedura eta izapideetan, interesdunen ordezkari gisa transakzio elektronikoak egiteko.

Zehazki, **“Gizartean desabantaila-egoeran dauden haur eta nerabeentzako gizarte- eta hezkuntza-laguntza”** izeneko prozedurari dagozkien gaikuntzak formalizatzen dira, honako arau-esparru honen arabera:

- 2/2024 Legea, otsailaren 15ekoa, Haurtzaroari eta Nerabezaroari buruzkoa, bai eta autonomia-erkidegoko esparru estrategikoa ere, haurren pobrezia prebenitzeari eta kalteberatasun-egoeran dauden adingabeei eta familiei gizarte- eta hezkuntza-arloko laguntza emateari buruzkoa, Aukerak Suspertzen programaren barruan.

- Familiei eta Haur eta Nerabeei Laguntzeko Erakunde arteko V. Plana (025-2030), bereziki "Pobrezia-aren belaunaldien arteko transmisioa prebenitzea" izeneko 2. helburu estrategikoan, 8.4 atalean, non Aukerak Suspertzen programa indartzea jasotzen den trakzio-neurri gisa.

- Haurrak Bermatzeko Euskadi 2030 Estrategia, Gobernu Programaren 2024-2028, I. ardatza (Pertsonak erdigunean), 2. arloa (Gizarte Politikak), 12. konpromisoa, 5. ekimena, haur-pobrezia murriztera bideratua, Europako Haur Bermea ezartzen duen Kontseiluaren 2021/1004 (EB) Gomendioarekin bat etorriz.

### **Bigarrena.-** Baldintzak eta betebeharrak.

Ebazpen honen eranskinean ageri den erakunde gaituari aplikatu beharreko honako baldintzak eta betebeharrak onartzea:

- a) Gaitutako erakundearen ordezkariaren eta betebeharren egiaztapena.
- b) Gaitutako pertsonak jarduketa bakoitzerako behar den ordezkari izan beharko dute. Administrazioak edozein unetan eskatu ahal izango du egiaztapena, eta baliozkoa izango da Administrazioak onartutako dokumentu normalizatuen bidez emandakoa. Ordezkariak nahikorik ez badago, dagozkion erantzukizunak eskatuko dira.

- c) Izena ematea.

Baimendutako funtzionarioek Ahalordeen erregistro elektronikoan inskribatuko dute gaitutako erakundea, eta ordezkari gisa jardun dezakeen izapideak eta prozedurak erregistratuko dituzte.

- c) Indarraldia.

Gaikuntzak gehienez ere 4 urteko indarraldia izango du, ebazpena ematen den egunetik aurrera. Behin bakarrik luza daiteke, baina gehienez ere hiru hilabetez.

- d) Ezereztea.

Herritarrei arreta emateko unitate arduradunak ofizioz ezeztatuko ditu gaikuntzak honako kasu hauetan:

- Gaitutako pertsonaren heriotza, gertaera hori jasota.
- Gaitutako erakundearen nortasuna iraungitzea, gertaera hori jasota.
- Gaikuntzen indarraldiari edo baliozkotasunari buruzko zalantza oinarriak badaude.

- Gaikuntzaren eraginkortasunik eza ekar dezaketen beste inguruabar batzuk.

Ahalordeen erregistro elektronikoan inskribatutako gaikuntzak kasu hauetan ezereztuko dira:

- Indarraldia amaitzen denean.
- Zehaztutako gehieneko baliozkotasuna igarotzen denean.

e) Datuen babesa.

Erakunde gaituak konpromisoa hartzen du datu pertsonalak babesteko indarrean dagoen araudia betetzeko.

**Hirugarrena.-** Argitalpena.

Ebazpen honen edukia argitaratzea Euskal Autonomia Erkidegoko Administrazio Publikoaren egoitza elektronikoaren iragarki-taula elektronikoan: <https://www.euskadi.eus/iragarki-taula-elektronikoa/>

**Laugarrena.-** Errekurtsoak.

Ebazpen honen aurka, gora jotzeko errekurtsua aurkeztu ahal izango zaio ebazpena eman duen organoari edo Administrazio Digitaleko eta Zerbitzu Orokorretako sailburuordeari, hilabeteko epean, ebazpena jakinarazi eta hurrengo egunetik aurrera, Administrazio Publikoen Administrazio Prozedura Erkidearen urriaren 1eko 39/2015 Legean xedatutakoarekin bat etorritz.

Sabino San Vicente Álvarez

HERRITARRAK ARTATZEKO ETA ADMINISTRAZIOA BERRITZEKO ZUZENDARIA  
(Elektronikoki sinatua)



## I. ERANSKINA

<b>Sozietatearen izena</b>	<b>Identifikazio-zenbakia</b>	<b>Prozedurak</b>
AGINTZARI S. COOP. DE INICIATIVA SOCIAL	F48481923	Gizartean desabantaila-egoeran dauden haur eta nerabeentzako gizarte- eta hezkuntza-laguntza